



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXVIII. Die Septembris.

**urn:nbn:de:hbz:466:1-9625**

no quodam stare dum inde abire iuberetur, oblito superiore qui iusserat istic nocte integra perstitit: cum vestes manè indueret, euocatus, abiit altero pede adhuc nudipes: iussus sa-

xum mouere cui mouendo ne decem quidem Coadiutores pares erant, cingulo suo quo cingebatur illud alligauit, & mouit, vt fama est.

XXVIII. DIE SEPTEMBRIS.

P. P E T R V S

MARTINEZ,

18 Septeb.  
Hispanus in  
Insula Ta-  
carucura-  
na. 1566.  
Charitas.

Obed.

Eides.

Post mortē.

Disce d.  
mortuis.

Estruor.

Humil.

**V**isā in Societate mutuā sociorum charitate, Societatem, à qua fuerat animo alieno, expetiit, & obtinuit. In illa parendi tam fuit audius, vt non duo tantum, verum ducenta officia subire se paratum diceret, si obedientia ita vellet. quare fuit semper, in culina, in naui, ad operas, ad conciones, ad sacras expeditiones aptus & expeditus. In Florida inedia perpeffus, dum omnes circum terras lustrat, in illas Euangelium illaturus, è scapha extractus à barbaris, flexis genibus, elatis in caelum manibus, capite elauā confracto mortem quam optabat, quamque prædixerat, est adeptus. Catharina Martinez, Petri è germano neptis, anno 1615. iam deposita mortem opperiebatur; cum vocem audiuit, quā nominatim vocabatur. Ignarā cuius ea vox esset, ac hærenti, dictum: Ego sum tuus patruus, P. Petrus Martinez è Societat. Ies v: Deus meis precibus incolumitatem tibi restituit. Incipe ab hoc die te impensius dedere Dei obsequio: contemne te ipsam, & mundum, & quicquid in eo est; & cessa à libris. Hisce auditis repentino se sanam reperit; stupente medico quoddam iam incolumis se vestiret, ac caelestis odoris quiddam flagraret in conclau. Aiunt pluiuiam quo-

que illius meritis, ac valetudinem, etiam aliis, impetratam.

P. FERDINANDVS

SVAREZ DE LA CONCHA.

**L**Egem vitæ institue ndæ in hoc S. Pauli compedium redactam portæ sui conclauis affixit in hæc verba: *Attende tibi, & doctrina.* Secundâ noctis vigiliâ è tabulis suis (quæ illi erant pro lectulo) surgebat, & se flagris acriter cadebat; Cruce humeris impostâ ædem sacram petebat; mox horas diuini officij executus, & magnis è cælo deliciis delibutus. quare lachrymarum plenus, illud Xauerij sapius iterabat: *Satis est, Domine; satis est.* De Deo loquendi magna in illo gratia, peritia, desiderium. Sub Christi morientis ferias eo loco vbi facillè 20. millia mortalium sese flagris cadunt, ille ad eruentam illam concionem stupendo ardore dicebat, cum impressa eius capiti corona spinea sanguinem è capite profluentem cum lachrymis per ora manantibus permisceret. Cubiculum illi plenum erat crucibus, & ossibus mortuorum. Nocturnis illis flagris non contentus, quotidie se iterum verberabat, & alias atque alias sese afflicti arres quærebat, vt in illis proficeret.

Hispanus  
Mexici mē-  
se ac die in-  
certo 1607.  
ætat. 80.  
Soc. 50.  
Mortific.  
Oratio.

Morte.



P. FRANCISCVS  
MACCIADVS.

& P. BERNARDVS  
PEREIRA.

Lusitani in  
Æthiopia.  
28. Sept.  
1625.  
Fides.

SULTANO Sequedo Æthiopiæ Imperatore ad Christum adducto, ad ingentem rei Christianæ spem eò proficiscebantur duo hi Patres Goâ. Per iter ab Auxa Gurellano Principe Mahumetano, carcere, ludibriis, vinculisque vexati sunt, atque occisi, quia id placitum credebat Cabraëli, qui contra Sequedum Abassinx Imperatorem Christo addictum, pro Schismate tuendo arma ferebat: & sciebat Patres hos ad Sequedum

pro fidei Christianæ propagatione; adeoque pro extirpando schismate, proficisci.

Thomas Riocan.

Ludouicus Casucu.

Dionysius Yamamoto. Nouitij.

Tres hosce Seminaria Societatis ad omnem Christianæ disciplinæ normam instituere. Vnde illi postea Sociis inter labores Euangelij viles vbique adiutores, ac periculorum quoque socii fideles adhæsere. Fuere aliquamdiu exortes à patria, ob Christi fidem: sed cum rediissent, ac Patribus comites perpetui adessent, Nangafachi in carcerem coniecti sunt, & (quia id petebant) ritè in Societatem admissi, Cocuræ tandem lento igne cremati sunt: quod Christianam fidem populis prædicassent.

Japones  
Cocuræ. 1.  
Sept. 1633.

Fides.

## XXIX. DIE SEPTEMBRIS.

P. IOANNES P. FRANCISCVS  
ROXAS. FOLIANVS.

29. Septeb.  
Hispanus  
Madridi.  
1605. a tar.  
53. Soc. 37.

B V.  
Humilit.

S. P. Ignat.

Laudatur à summa in B. V. religione, ieiuniis, & aliis obsequiis contestatâ; sed obedientiæ, ac humilitatis exercitatione potissimum; vnde nec reddi rationem volebat si quidpiam imperaretur. Humilitatis officia obibat lubens cum semper, tum vnâ quotannis hebdomodâ quam totam abiectissimis culinæ officiis transcribebat. S. P. Ignatius ab illo imploratus valetudinem Ioannis, vitio stomachi ad extrema deductam, illi aliquando restituit.

HVMilitatis, & pietatis studio, etiam sacerdos, aliis sacrificantibus ministrabat lubens: & quicquid in culina, quicquid domi sordium est expurgabat. Flagellis, ciliciis vriticis, æstu, frigore, ieiuniis sæuum in modum se macerabat, vbique in omnes se affligendi occasiones intentus. Promisit, se intra trimestre pro Benefactrice quadam 36. millia actuum mortificationis externæ oblatorum Deo. adeò vsu condidicerat id genus occasionum & quærendarum, & vsurpandarum modum. SSS. Trinitati multifariam colendæ vnice fuit addictus. vnde multa de illo conscripsit: & à Pontifice obtentâ veniâ, quotidiana præfationi

Rhetus Romæ.  
29. Sep.  
1605. a tar.  
66. Soc. 50.

Hamil.  
Mortific.

SSS. Trinit.